

## Umiarsuarni aalisariutini init isersimaffiit il.il. pillugit nalunaarut<sup>1)</sup>

Imaani isumannaatsuunissaq pillugu inatsimmi § 1, imm. 2, § 3, imm. 1, nr. 6 aamma 7, § 4, imm. 1, § 5, imm. 1, aamma § 32, imm. 9, tak. inatsisitit nalunaarut nr. 1629, 17. december 2018-imeersoq, aamma imaani isumannaatsuunissaq pillugu inatsisip Kalaallit Nunaannut atuutsinneqalernissaa pillugu peqqussummi § 1, imm. 2, § 3, imm. 1, nr. 6 aamma 7, § 4, imm. 1, aamma § 32, imm. 2, tak. peqqussutitit nalunaarut nr. 1674, 16. december 2015-imeersoq, kiisalu piginnaatitaanerit aalajangersimasut Søfartsstyrelsimut nuunneqarnissaannut aamma namma-gittaalliuteqarnissamut aqutissat il.il. pillugit nalunaarut nr. 744, 24. juni 2013-imeersumi § 1, imm. 1 nr. 3-imi piginnaatitsissut aamma piginnaatitaanerit aalajangersimasut Søfartsstyrelsimut nuunneqarnissaannut aamma naammagittaalliuteqarnissamut aqutissat il.il. pillugit nalunaarut nr. 211, 29. marts 2015-imeersumi § 1, nr. 2 naapertorlugit aalajangersarneqarpoq:

### Kapitali 1

#### *Siunertaq*

§ 1. Nalunaarummi matumani siunertaavoq aalisartut aalisariutini sulisartut najugaqartulluunniit, tak. kapitali 2, akuersarneqarsinnaasunik isersimaffeqarnissaasa qulakkeerneqarnissaat, aalisartut peqqissusaat ilorrisimaarnerallu siuarsarniarlugit.

*Imm. 2.* Nalunaarut manna init isersimaffiit pillugit aalajangersakkanik imaqarpoq, taakkununga tunuliaqutaalluni Naalagaaffiit Peqatigiinni Nunani Tamalaani Sulinerimik Inuusutissarsiuqartut Kattuffiata aalisar-nermik suliaqarfinni sulinerimik atukkat pillugit isumaqatigiissutaat, taamaasillunilu nunani tamalaani, nunat immikkoortuini imaluunniit naalagaaffinni piumasaqaatinik kalluaanatik, init isersimaffiit aaqqissugaanerannut il.il. sunniuteqarsinnaasut, assersuutigalugu ikuallattoornissamut isumannaallisaaneq, ilanngullugit qimaariarfissat, pillugit aalajangersakkat, taakku aalisariutit pillugit Torremolinos-imi isumaqatigiissummi 1997-imeersumut Torremolinos-imut protokolimiippat, Naalagaaffiit Peqatigiinni Nunani Tamalaani Imarsiornermut Suleqatigiiffianni akuerisaallutik, Rådip peqqussutaa 07/70/E, inuusutissanut inatsisini aamma inuusutissanik eqqiluisaarneq pillugit piumasaqaatit kiisalu pujortarfiunngitsunik avatangiiseqarneq pillugu inatsisit pillugit EU-p peqqussutai aqutigalugit EU-p inatsisaanut piviusunngortinneqarput.

### Kapitali 2

#### *Atorneqarfia, nassuiaatit aamma avaqqutsiffiit il.il.*

#### *Atorneqarfia*

§ 2. Nalunaarut umiarsuarnut aalisariutitut qaalinnut nutaanut tamanut atuuppoq, tak. § 3, imm. 1 nr. 4, taakku pisortanit namminersortunilluunniit pigineqarnerat apeqqutaatinnagu.

*Imm. 2.* Umiarsuit aalisariutit pioreersut, tak. § 3, imm. 1, nr. 5, nalunaarut manna maleruagassanut, umiarsuarmut pineqartumut atuukkaluartunut taarsiullugu atorsinnaavaat, tak. § 46, imm. 3. *Imm. 3.* Nalunaarut tulliuuttunut atorneqassanngilaq

- 1) Umiarsuarnut niueriutitut,
- 2) umiarsuarnut sorsuutitut,
- 3) sakkutuut ikiuutitut umiarsuaannut imaluunniit 4) sunngiffimmi angallatitut.

#### *Nassuiaatit*

§ 3. Nalunaarummi matuma oqaatsit imatut paasineqassapput:

- 1) Aalisartuq: Inuit tamarmik, aamma umiarsuup naalagaa, atorfimmi sorlermiinnerat apeqqutaatinnagu, umiarsuarmi aalisariummi atorfeqartoq imaluunniit sullissisoq imaluunniit sulisoq.
- 2) Aqumiut: Aquttut aamma maskinmesterit.
- 3) Umiarsuaq aalisariut: Umiarsuup naalagaaffimmit suminngaanneerneranik uppernarsaataa umiarsualiviup ilisarnaataanik normoqartitaasoq.
- 4) Umiarsuaq aalisariut nutaaq: umiarsuaq aalisariut imatut pineqartoq
  - a) sananeqarnissaanut imaluunniit annertuumik allanngortiterneqarnissaanut isumaqatigiissut nalunaarutip ullormi atuutilerfiani imaluunniit suliarineqalerfiata kingorna inissinneqarsimavoq,
  - b) sananeqarnissaanut imaluunniit annertuumik allanngortiterneqarnissaanut isumaqatigiissut ullormi nalunaarutip atuutilerfia sioqqullugu inissinneqarsimavoq, aamma tunniunneqassalluni ullup taassuma kingorna ukiut pingasut sivisunerusulluunniit qaangiunnerani pissalluni, imaluunniit
  - c) sanaartornissaanut isumaqatigiissut ullormi nalunaarutip atuutilerfiani imaluunniit ullormi nalunaarutip atuutilerfiata kingorna pigineqanngippat, umiarsuup kujaava suliarineqarsimappat, imaluunniit sanaartorneq angallammik aalajangersimasumik ilusilittut ilisarnaateqarluni, imaluunniit katiternera aallartinneqarsimappat, minnerpaamik 50 tonsimik angissuseqarluni, imaluunniit timitaata oqimaassusaata tamarmiusup missingerneqarnerata 1 %-a kingullermik taaneqartumit annikinneruppat.
- 5) Umiarsuaq aalisariut pioreersoq: Umiarsuaq aalisariut, umiarsuutut aalisariutitut nutaajunngitsoq.
- 6) Takissusaa (L): itsinerata minnerpaaffiata (moul-ded) 85%-iani immap qaavata killiffiata 96%procentiisut imaluunniit umiarsuup siuanit aquutaata ikkusimaffia tikillugu naatsorsorneqassaaq, immap qaavata killiffia taaneqareersoq malillugu, takissuseq taanna tanneruppat. Umiarsuarni sananeqarnerminni siuata aquatalu nalaat portoqatigiinnigitsillugit, immap qaavata nalaani uuttuisilluni, uuttuineq sananeqarnerani immap qaavata nalaaniittoq illinertut sammeqatigissavaa.
- 7) Ini isersimaffik: Init aalisartunut atugassiaasut, aalajangersimasumik sinittarfiit, nerisarfiit, perusersartarfiit, napparsimmaviit, sunngiffimmi isersimaffiit, allaffiit il.il.

*Avaqqunneqarsinnaasut il.il.*

§ 4. Søfartsstyrelsen tusarniaareernerne kingorna umiarsuarnut aalisariutinut ullormut nalunaaquttap akunneri 24-it sinnerlugit angalaneq ajortunut avaqqutsisinnaanermik akuersissuteqarsinnaavoq, umiarsuarlu umiarsulivimmiitillugu aalisartut umiarsuarmi najugaqassanatik, tamatumani piumasagaataavoq aalisartut kalluarneqartut qasusersarfissanik, neriffissanik perusersarfissanillu naleqquttunik atugassaqaartitaanissaat.

*Imm. 2.* Søfartsstyrelsen tusarniaareernerne kingorna nalunaarummi matumani aalajangersakkat ilaannik avaqqutsisinnaaneq akuersissutigisinnaavaa, assigiinngisitsinertaqaanngitsumik aalisartut assigiinngitsunik immik-kuullarissunillu upperisarsiornikkut inooqatigiinnikkullu ileqqi mianeriniarlugit, tamatumani piumasagaataalluni taamatut avaqqussisinnaanerit pineqartunut nalunaarummik malinnaasunut nalinginnaasumik pitsaannginnerusunik atugassaqaartitsilerneq kingunerissanngikkaa.

Kapitali 3

*Inuit isersimaarfiganut nalinginnaasumik piumasagaatit Qilaamut portussusaa*

§ 5. Aalisartut init isersimaffigisaanni tamani qilaamut portussusaa naammattuussaaq.

*Imm. 2.* Aalisartut init isersimaffigisaanni tamanut nikeriataarsinnaanermik pisariaqarfiusuni qilaamut portussusaa 200 cm-init pukkinerussanngilaq.

*Inuit isersimaffinnut taakkulu akornanni ammanerit*

§ 6. Lastimiit maskinaqarfimmiillu, imaluunniit igaffimmit, toqqorsivimmit, panersiivimmit, ataatsimoorussamik perusersartarfimmit, errorsarfimmit, inimit qalipaataasiviusumit, nioqqutissaasivimmit ininilluunniit assigisaannit inimut sinittarfiusumut toqqaannartumik ammaneqassanngilaq. Umiarsuup taluisa ilaat, piffinnit taakkunangga inimut sinittarfiusumut talunullu

silarlernut avissaartitsisoq, sisammit imaluunniit atortussiamit allamit akuersisaasumit peqqissaartumik sanaajusimassaaq, taakkualu imermit gassimillu pitarneqarsinnaassanngillat.

*Imm. 2.* Ataatsimoorussamik perusersartarfiit, inunnit marluk sinnerlugit amerlassusilinnit atugassiaagunik, ininit sinittarfiusunit avissaarsimatinneqassapput.

11. november 2019.

3 Nr. 1116.

### *Oqorsaasiineq*

§ 7. Init isersimaffigisat naammattumik oqorsaasernerqartassapput, ilaatigut aalanngortut isugutannginnissaa kiassaavallaarnissarlu pinngitsoortinniarlugit, tamatuma sanatigut takuuk § 9.

*Imm. 2.* Atortussat umiarsuup iluani talut, naqqup killingisa pladellu kiisalu naqqit katiterneqarfiisalu suliarineqarnerannut atorneqartut siunertamut naleqquttuussapput, peqqissumillu avatangiiseqarnissap qulakkeernissaanut tapertaassallutik.

### *Piffiit ippernanit naalliuoperaarfiusut*

§ 8. Umiarsuarni piffinnut ippernanit naalliupeqaarfiusunut akuttunngisitumik tikittartunut, init isersimaffiusut ippernanit sullinernillu allanit iserfigineqannginnissaannut iliuuseqartoqarsimassaaq.

*Imm. 2.* Umiarsuit taakkununga piumasaqaatinik eqqortitsisunik silaannarissaateqartut, imm. 1-imi piumasaqaatinik eqqortitsisutut isigineqarput.

§ 9. Init isersimaffigisat aamma sunngiffimmi nerinermilu atorneqartartut peqqissutsimik isumannaat-suunissamillu kiisalu ajutoornissap pinaveersaartinneranut aalajangersakkanik atuuttunik eqqortitsissapput, nipiliornernik sajukulaarfigitinnernillu uloriartunit aamma umiarsuarmi pissutsinit avatangiiserisaniittunit kiisalu akuutissanit eqqugaanissaq pinngitsoortinniarlugu, aamma aalisartut umiarsuarmiittut illersorneqarsinnaasumik sulinerminni avatangiiseqarnissaat kiisalu illersorneqarsinnaasumik umiarsuarmi inuunerminni atugaqarnissaat qulakkeerniarlugu.

## Kapitali 4

### *Silaannarissaaneq kiassaanerlu*

§ 10. Init isersimaffiit naammattumik silaannarissagaassapput, aalisartullu umiarsuarmiitillugit silaannarissaatit ataavartumik silaannarmik naammaginartumik pitsaassusilimmik isaatitsijuassallutik.

*Imm. 2.* Init tamarmik, perusersarnermut, nerisassiornermut, napparsimasunik katsorsaanermut, errorsinermut assigisaannullu atorneqartut, silamut atasunik silaannarissaateqassapput, taakkualu init sumiiffigisat allat sinnerinut attuumassuteqassanngillat, taamaasilluni nappaatit, tipi silaannalullu siaruaassussanngimmata.

*Imm. 3.* Silap qanoq issusia mianeralugu naammattumik kiassaasoqassaaq, umiarsuarnili taamaallaat nunani kiattuni angalasartuni taamaassanani.

*Imm. 4.* Umiarsuarni aalisariutini 24 miiterit sinnerlugilluunniit takissusilinni (L) naleqquttumik kiassaateqarnikkut kiassaasoqassaaq, taamaallaat umiarsuit taamaallaat nunani kiattuni aalisartartut pinnagit. Kiassaatit pissutsini qanorluunniit ittuni kiassaasinnaassapput pisariaqartitsineq tamaat naallugu, kiassaatillu ingerlasassapput aalisartut umiarsuarmi najugaqartillugit imaluunniit sulisillugit, pissutsillu tamanna pisariaqartikkaangassuk.

*Imm. 5.* Umiarsuarni aalisariutini 24 miiterinik sinnerlugilluunniit takisuseqartuni (L), taamaallaat umiarsuit aalisariutit silap pissusaasigut akunnattumik kiassusilinni akuttunngitsumik angalasartut tamannalu pissutigalugu taamaattariaqanngitsut pinnagit, kiassaateqartoqassaaq.

*Imm. 6.* Silaannarissaatit kiassaatillu silaannarmik isaatitsisilluni naleqquttunik nakkartitsissutitaqassapput, aaqissugaassallutillu pissutsit immikkut ittut, imaani ingerlatsinermut attuumassuteqartut mianeralugit, aamma ajoqutaasumik nipiliussanngillat sajukulaaratillu, tamatuma saniatigut tak. § 9.

*Imm. 7.* Silaannarissaatit kiassaatillu sakkortusillugillu sakkukillineqarsinnaassapput, kiisalu nunani tamalaani imaluunniit Danmarkimi pitsaassusiliineq naapertorlugu ilusiligaassallutik angissusiligaassallutillu, taamaasilluni silaannaq sulii naammaginartuussalluni silaannallu taarseraannera naammassalluni, silap qanoq innera silallu pissusia aallaavigalugit, ilanngullugu pujortarneq ajortut tupap pujuanut illersussallugit, tamatuma saniatigut tak. § 9.

**§ 11.** Umiarsuarni 24 miiterinik sinnerlugilluunniit takissuseqartuni, taamaattoq tak. § 10, imm. 2, aquttarfimmi, radioqarfimmi kiisalu inini maskinanik nakkutilliiviusuni tamani kiassaateqassaaq.

## Kapitali 5

*Qaammaqqutit*

§ 12. Init isersimaffiusut tamarmik naammattunik qaammaqqusersorneqassapput.

*Imm. 2.* Tamanna suleriaatsikkut ajornanngitsillugu, init isersimaffiit innaallagissamoortunik qulleqarnermik saniatigut ullup qaamarnganik qaamasinnaassapput. Inilli siniffiusartut taartuinnanngorlugit saagusinnaasariaqarput.

*Imm. 3.* Qulliit innaallagissamoortut imatut inissinneqarsimasapput, inunntut inimi issimasunut annertunerpaamik pissarsissutaasinnaassallutik.

*Imm. 4.* Inini sinittarfiusuni siniffiit tamarmik atuarnissamut qulleeraqassapput qaminneqarsinnaasunik.

§ 13. Nunani tamalaani imaluunniit Danmarkimi pitsaassusiliineq, imaluunniit qulliit atorlugit qaammaqquteqarnermut Sullivinnik Nakkutilliisoqarfiup ilitersuutau, naammaginartumik qaammaqquteqartitsinermi piumasaqaatit eqqortinneqarnissaannut atorneqarsinnaapput.

## Kapitali 6

*Init siniffiusartut pillugit immikkut*

§ 14. Umiarsuarni aalisariutini init siniffiusartut pillugit piumasaqaateqartoqartillugu aalajangersakkat tulluuttut taamaallaat atorneqassapput.

*Init siniffiusartut inissinneqarnerat*

§ 15. Umiarsuup sananeqarneranut, angissusianut imaluunniit siunertaanut atatillugu taamatut iliorsinnaagaanni, init siniffiusartut imatut inissinneqassapput, taamaasilluni umiarsuup aalaasii sukkatsinneranilu sunnerneqarnerit sapinngisamik sallaassisinneqassallutik.

§ 16. Init siniffiit umiarsuup taluini apornermi eqqorneqaqqaartussani inissinneqanngisaannassapput.

*Init siniffiusartut angissusaat*

§ 17. Init siniffiusartut naammaginartumik angissuseqassapput pisariaqartitanillu atortulersugaallutik, taamaasilluni naammaginartumik ilorrisimaarnissaq qulakkeerneqassapput, aamma eqqiaruminartuussapput.

*Inini siniffiusartuni naqqup annertussusaa*

§ 18. Inimi siniffiusartumi ataatsimi inuit qassiunerat aamma naqqup inummut ataatsimut annertussusaa, siniffiit sikaaviillu pinnagit, ima annertutigissaaq aalisartut umiarsuarmiinnerminni naammattumik inissaqassallutik ilorrisimaarsinnaassallutillu, angallammi aalisariutaasumi sulineq mianeralugu.

*Imm. 2.* Inini siniffiusartuni naqqup annertussusaa siniffinnit sikaavinnillu, kiisalu pequttanut natermut aalajangikkanit atorneqanngitsoq inummut ataatsimut minnerpaamik imatut angissuseqassaaq:

- 1) Umiarsuarni 24 miiterinit naannerusuni (L): 0,75 m<sup>2</sup>.
- 2) Umiarsuarni 24 miiterisut takitigisuni tannerusuniluunniit, kisianni 45 miiterinit naannerusuni: 1,5 m<sup>2</sup>.
- 3) Umiarsuarni 45 miiterisut takitigisuni tannerusuniluunniit (L): 2,0 m<sup>2</sup>.

*Init siniffiusartut amerlassusaat*

§ 19. Umiarsuarni 12 miiterisut sinnerlugilluunniit takissuseqartuni umiarsuup naalagaa umiarsuarmilu aqumiut tamarmik immikkut inimit sinittarfeqassapput. Umiarsuarni 12 miiterinit naannerusuni periarfissaqartillugu umiarsuup aqumiui ataatsimik arlalinnilluunniit ininik immikkuullarissunik siniffissaqartitaassapput.

*Imm. 2.* Umiarsuarni 45 miiterinit naannerusuni (L), inuit inimi sinittarfiusumi ataatsimi sinittartut sisamanit amerlanerussanngillat.

*Imm. 3.* Umiarsuarni 45 miiteritut takissusilinni (L) tannerusuniluunniit, inuit inimi sinittarfiusumi ataasiusumi sinittartut marlunnit amerlanerussanngillat.

§ 20. Pisuni immikkut ittuni, umiarsuup angissusaa qanoq ittuunera, imaluunniit qanoq atorneqarnissaanik eqqarsaatit isumaqarpata, piumasagaatit naapertuukkunnaartut imaluunniit piviusunngortinneqarsinnaajunnaartut, § 19, imm. 1-imi piumasagaatinit immikkut akuersissuteqarnikkut avaqqunneqarsinnaanerit Søfartsstyrelsi akuersissutigisinaavaa.

*Imm. 2.* Aammattaaq pisuni immikkut ittuni, umiarsuup angissusaa, qanoq ittuunera imaluunniit qanoq atorneqarnissaanik eqqarsaatit isumaqarpata, piumasagaatit naapertuukkunnaartut, imaluunniit piviusunngortinneqarsinnaajunnaartut, umiarsuarnut aalisariutinut 24 miiterinik tannerusumilluunniit angissuteqartunut § 19 imm. 2-mi piumasagaatit immikkut akuersissuteqarnikkut avaqqunneqarsinnaanerit Søfartsstyrelsi akuersissutigisinaavaa.

§ 21. Inini siniffiusartuni tamani inuit inissaqartut amerlanersaaffiat inimi allattorneqarsimassaaq, tassani erseqqissumik atuaruminartumillu allattorneqarsimas-sallutik, allatukkallu piaarneqarsinnaassanatik.

#### *Siniffiit angissusaa*

§ 22. Aalisartunut ataasiakkaanut tamanut immikkuullarissumik siniffissaqartitsisoqassaaq.

*Imm. 2.* Madrassit atortussanit naleqquttunit sanaajusimassapput.

*Imm. 3.* Umiarsuarni 24 miisterisut takinerusmilluunniit angissuseqartuni siniffiit ilummi killimikkut uuttuutaat minnerpaamik 198 cm gange 80 cm-inik angissuseqassapput.

*Imm. 4.* Umiarsuarni 24 miiterinit annikinnerusumik takissuseqartuni siniffiit ilummi uuttuutaat minnerpaamik 198 cm gange 58 cm-inik takissuseqassapput -inik annertussuseqassapput. *imm. 5.* Siniffiit imaaliallaannaq imminnut sanileriissillugit inissinneqarsinnaassanngillat.

*Imm. 6.* Siniffiit quleriit marluk sinnerlugit quleriissitsisoqarsinnaanngilaq. Siniffiit naqqi akornaminni naleqquttumik akunneqassapput, siniffiup alliup naqqanit natermut aamma siniffiup qulliup qilaallu akornanni naleqquttumik akunneqassapput.

#### *Init sinittarfiit aqqissornerat*

§ 23. Init sinittarfiit imatut pilersarusiorneqassapput aqqissorneqarlutillu, taamaasiillutik umiarsuar-miittunut naammaginatsumik ilorrisimaarnassuseqallallutik torersaruminartuussallutillu.

*Imm. 2.* Ilaatigut ataasiakkaanut sikaaveqassaaq, atisanut inuttullu pigisanut naammattumik inissaqarfiussallutik, aamma naleqquttumik allaffissatut allequtaqartitsi-soqassaaq.

*Imm. 3.* Tamatuma saniatigut umiarsuarni 12 miiterisut takissusilinni takinerusuniluunniit (L) nerriveqassaaq imaluunniit allaffeqarluni naleqquttumillu amerlassu-silinnik issiaveqarluni. Inunnut inimi najugaqartussatut aalajangigaasunut ataasiakkaanut minnerpaamik tamanut issiavissaqassaaq. Tamatuma saniatigut parnaarneqarsinnaasunik atisaasiveqassaaq, taakkualu atisanik inuttullu pigisanik imaqarnissamut naammattumik angissuse-qassapput.

§ 24. Init sinittarfiit sapinnginnerpaamik pitsaanermik aqqissuuneqassapput, taamaasilluni arnat angutillu inuunerminni eqqissisimasumik inuuneqarnissaasa pitsaa-nerpaamik illersorneqarnissaat neqeqoorutigineqarsinnaassammat.

### Kapitali 7

#### *Init nerisarfiit immikkut pillugit*

§ 25. Ini nerisarfik igaffimmut sapinngisamik qaninnerpaamiitillugu inissinneqassaaq, qaqugukkulluunniit aporfissap tungaanut sammisumiissanani.

*Imm. 2.* Umiarsuarni 12 miiterisut tannerusumilluunniit takissusilinni, aamma umiarsuarni inunnik sisamanik sinnerlugilluunniit inuttaqartuni init nerisarfiit ininit sinittarfiusunit avissaarsimatinneqassapput.

§ 26. Init nerisarfiit naleqquttumik angissuseqassapput ilorrisimaarnartuullutillu, naleqquttumillu pequsersugaassallutik umiarsuarni aalisariutini sulineq aalisartunilluunniit qassinit qaqugukkulluunniit atorneqarsinnaanerit mianeralugit.

§ 27. Umiarsuarni 15 miiterisut sinnerlugilluunniit takissusilinni naleqquttumut inissitami nillartaartitsiveqassaaq inunnut nerisarfimmik atuisussat amerlassusaannut naleqquttumik imaqarsinnaasussamik.

*Imm. 2.* Qaqugukkulluunniit tumanguersaatissanik tamalunnissamut periarfissaqassaaq, ilanngullugit kissar-tumik nillartaartitamillu imigaqarnissamut periarfissaqassalluni.

## Kapitali 8

### *Perusersartarfiit uffarfiillu pillugit immikkut*

§ 28. Aalisartut umiarsuarmitut tamarmik perusersartarfinnik uffarfinnillu iserfigiuminartunik atugassaqaassapput, taakku peqqissutsimut eqqiluisaarnermullu minnerpaatut piumasaqaatinik eqqortitsisuussallutik naammaginartumillu ilorrisimaarnartuussallutik.

§ 29. Perusersartarfiit uffarfiillu namminerisamik inuunermi eqqissisimatinneqarnissaq naammaginartumik qulakkeersimassavaat.

§ 30. Perusersartarfiit uffarfiillu ima aqqissugaasapput, ininik allanik mingutsitsisinnaajunnaarlugit.

§ 31. Asaffissani tamani imermik nutaamik kissartumik nillertumillu tarajoqanngitsumik kuuinnartoqassaaq, umiarsuarmitut kikkut tamarmik naleqquttumik imminnut eqqiluisaartinnissaasa qulakkeernissaanut naammattumik annertussusilimmik.

§ 32. Perusersartarfinni uffarfinnilu iikkat, naqqit qilaallu tamarmik ima sanaajussapput, iluamik eqqiaruminartunngorlugit

*Imm. 2.* Perusersartarfinni uffarfinnilu tamani naqqit quaannaveersaatinik qalligaassapput.

§ 33. Umiarsuarni aalisariutini 24 miiterisut sinnerlugilluunniit takissusilinni (L), aalisartunut tamanut nammineq perusersartarfeqarlutillu uffarfilinni sinittarfeqanngitsunut, amerlanerpaamik inunnut sisamanut uffarfik kinisimaarfissaq imaluunniit kuuffigitssut imaluunniit tamaasa marluutillugit, perusersartarfik aamma assannut asaffik pigineqassapput.

§ 34. Umiarsuarni aalisariutini 45 miiterisut sinnerlugilluunniit takissusilinni (L), aquttarfimmiit tikikku-minartunik uffarfeqassaaq perusersartarfeqarlunilu. Tamatuma saniatigut umiarsuarni aalisariutini 85 miiterisut sinnerlugilluunniit takissusilinni maskinaqarfiup ungasinngisaani sulii allamik immikkuullarissumik perusersartarfeqassaaq.

## Kapitali 9

### *Errorsiviit*

§ 35. Pisariqartitsineq malillugu aamma umiarsuarni aalisariutini sulineq mianeralugu inissilluakkanik atortorissaaruteqarluartunillu atisanut errorsiveqassaaq panersiiveqarlunilu.

*Imm. 2.* Umiarsuarni 24 miiterisut tannerusumilluunniit takissusilinni atisanik errorsinissamut, panersiinissamut manissaanissamullu naammattunik atortorissaaruteqassaaq.

*Imm. 3.* Umiarsuarni 45 miiterisut tannerusumilluunniit takissusilinni inimi ininit sinittarfinnit, nerisarfinit perusersartarfinnillu avissaaqqasuni atisanik errorsinissamut, panersiinissamut manissaanissamullu naleqquttunik atortorissaaruteqartoqassaaq, taakkualu naammattumik silaannarissagaassapput, kiassagaallutik aamma inneqqateqassapput allatigulluunniit atisanik panersiinissamut atortorissaaruteqassallutik.

## Kapitali 10

### *Init napparsimmaviit pillugit immikkut*

§ 36. Ini, aalisartunut napparsimasunut ajoqusersimasunulluunniit atorneqarsinnaasussaaq umiarsuarmit qaqugukkulluunniit pissarsiarineqassaaq/ toqqarneqassaaq.

§ 37. Umiarsuarni 15-inik amerlanerusunilluunniit aalisartoqartuni, aamma ullut pingasut sinnerlugit aalisariartuni, aamma umiarsuarni 45 miiterisut tannerusumilluunniit takissuseqartuni, immikkuullarissunik ineqassaaq nakorsiarnerrinnavimmut atorneqartussanik.

*Imm. 2.* Tulliuttut qulakkeerneqassapput

1) silap qanoq innera apeqqutaatinnagut inimut napparsimmaviumut iserneq ajornaatsuusaaq, 2) ini napparsimmaviumut isersimaffigalugu ilorrisimaarnartuussaaq aamma 3) napparsimasut sukkasuumik naleqquttumillu passunneqassapput.

*Imm. 3.* Umiarsuarni aalisartut ataasiakkaat tamarmik immikkut perusuersartarfilimmik uffarfilimmillu inimik sinittarfeqartillugit, imm. 1-imi inimik napparsimmaviumut peqarnissamik piunasaqaammut taarsiullugu inimik passunneqartarfilimmik (ajoquserut nakorsiartarfiannik) aaqquussisoqassaaq, taannalu naleqquttumik atortulersugaassaaq, assannut asattarfik pinasuurtumillu passussivik ilanngullugit. Inimi passussiviumut ataasiinnarmik siniffeqarnissaa naammappoq, umiarsuup angissusia apeqqutaatinnagu.

*Imm. 4.* Inuit innangasut ikiortissaminnik aggersaanissamut periarfissaqarnissaat qulakkeerneqassaaq.

*Imm. 5.* Ajoqusersimasup ajoquserfimminit inimut napparsimmaviumut imaluunniit inimut passussivimmut illersorneqarsinnaasuumik ingerlanneqarsinnaanera qulakkeerneqassaaq.

*Imm. 6.* Inimit napparsimmaviumut naleqquttunik attaveqaateqarnissamut periarfissaqarnissaa qulakkeerneqassaaq, taamaasilluni napparsimasuumik passussisoq Radio-Medicalimik oqaloqateqarsinnaammat.

## Kapitali 11

### *Sullisinut sikaaviit*

§ 38. Init sinittarfiit silataanni, kisianni qanittuanni silap ajorsinerani atortut sakkullu, kiisalu inuttut illersuutit allat nivinngaavissaqartinneqassapput.

## Kapitali 12

### *Atisat igaffimmilu atortut immikkut*

§ 39. Nerinermi sakkut naleqquttut kiisalu atisat annoraamerngillu allat aalisartunut umiarsuarmiittunut tamanut umiarsuarmi pigineqassapput.

## Kapitali 13

### *Sunnigiffimmi sammisassat il.il.*

§ 40. Umiarsuarni aalisariutini 24 miiterisut takinerusumilluunniit takissusilinni, sunngiffimmi sammisassaqtitsisoqassaaq, piffinnilu tumannguersarfissaqassalluni periarfissaqtitsisoqarlunilu aalisartunit umiarsuarmiittunit tamanit atorneqarsinnaasunik.

*Imm. 2.* Taamaassappat init nerisarfiit sunngiffimmi sammisassaqtitsivittut atorneqarsinnaapput.

### *Attaveqaatitigut atortorissaarutit*

§ 41. Aalisartut umiarsuarmiittut tamarmik attaveqaatitigut atortorissaarutininik naammaginartumik periarfissaqarfiini atuisinnaassapput, naammaginartumik akiliuteqarlutik, aningaasartuutinit tamarmiusunit aalisariummik piginnittup akilertagaanit annertunerunngitsunik.

## Kapitali 14

### *Atugassarititat eqqiluitsut najugaqarfigineqarsinnaasullu il.il.*

§ 42. Init isersimaffigisartakkat eqqiluisaartinneqassapput najugarfiusinnaasunngorlugit, aamma nioqqutissanik uninngasuutinillu imaqtartinneqassanngillat, taakku inuup umiarsuarmiittup inuttut



pigisarinnigippagit imaluunniit inuit taakku isumannaatsumiinnissaannut imaluunniit annaanniarnissaannut atugassiaanngippata.

*Misissuiartornerit*

§ 43. Umiarsuup naalagaata imaluunniit inuup umiarsuup naalagaanit taamatut suliassinneqartup akuttunngitsumik misissuiartortarnermigut qulakkiissavaa aalisartut init isersimaffigisartagaat eqqiluitsuusut, najugaqarfissaqqillutik aserfallatsaaliugaanermikkullu pitsaasuullutik.

*Imm. 2.* Misissuiartornerit taamatut ittut inernerit nalunaarsorneqassapput misissorneqarnissamullu atorneqarsinnaassallutik.

Kapitali 15

*Pillaatissinneqarnissamut aalajangersakkat*

§ 44. Najoqqutassamik matuminnga unioqqutitsineq akiliisitaanermik imaluunniit ukioq ataaseq tikillugu parnaarussaaneermik pillaatisissutaassaaq.

*Imm. 2.* Pillaatisiaq ukiuni marlunni parnaarussaaneermut sivitsorneqarsinnaavoq imaappat

- 1) unioqqutitsinermi, aamma imaani ajutoortitsinermit imaluunniit umiartortuulluarnermik unioqqutitsilluni angalanermit atatillugu inuunermit peqqissutsimilluunniit ajoqusiisoqarsimappat imaluunniit inuunermit ulorianartorsiortitsisoqarsimappat,
- 2) siusinnerusukkut pissutsit taakkorpiaat assigisaalluunniit pillugit inerteqquteqartoqarsimappat, imaluunniit peqqusiisoqarsimalluni, imaluunniit
- 3) unioqqutitsinermi nammineq allalluunniit aningaasaqarnikkut iluaquserneqarnissaat siunertaasimappat.

*Imm. 3.* Unioqqutitsinermi iluanaarutit arsaarinnissutigineqanngippata, akiliisitsinerup, ilanngullugu ilassutaasumik akiliisitsinerup annertussusilerneqarneranni pingaartumik iluanaarutip imaluunniit iluanaarutiginiakkap annertussusaa isiginiarneqassaaq.

*Imm. 4.* Piginneqatigiiffiit il.il. ((inatsisitigut pisinnaatitaasut pisussaataasullu) pillaatisinissamut akisussaataasinnaapput, pillaasarnermi inatsimmi kapitalit tallimaanni maleruagassat malillugit.

§ 45. Imaani isumannaatsuunissaq pillugu inatsip Kalaallit Nunaannut atuutsinneqalernissaa pillugu peqqussummut iliuuserisaq ilaappat, Kalaallit Nunaanni pinerluttulerinermit inatsit malillugu pineqaatissiisutit aalajangersarneqarsinnaapput.

*Imm. 2.* Iliuutsit § 45, imm. 2-mi taaneqartut pissutsitut sakkortusisitsisutut isigineqassapput.

*Imm. 3.* Unioqqutitsinermi iluanaarutit arsaarinnissutigineqanngippata, tak. pinerluttulerinermit inatsimmi § 120, imm. 1, akiliisitsisutit ilanngullugit ilassutaasumik akiliisitsisutit annertussusilerneranni pingaartumik iluanaarutit imaluunniit iluanaarutiginiakkat annertussusaat.

*Imm. 4.* Piginneqatigiiffiit il.il. (inatsisitigut pisinnaatitaasut pisussaataasullu) unioqqutitsuuppata, inatsisitigut pisinnaatitaasoq pisussaataasorlu akiliisitsinermit akisussaatinneqassaaq. Naalagaaffik, Kalaallit Nunaanni Namminersorlutik Oqartussat, kommuni ataaseq imaluunniit kommunit ataatsimoorfiat Kommunalbestyrelsit aamma nunaqarfiit aqutsisui il.il. pillugit Inatsisartut inatsisaanni 64-imut ilaasoq, imaluunniit nunaqarfinni aqutsisut unioqqutitsisuuppata, pisortat oqartussaasui pineqartut akiliisitaanermut akisussaataassapput.

*Imm. 5.* Pineqartoq Kalaallit Nunaanni najugaqanngippat, imaluunniit pineqartup kalaallinut inuiaqatigiinnut attuumassutaa taamaallat annikitsuinnaappat, taamaasilluni pineqaatissiisuteqarnissamut tunngavissaqarani, suliaq Danmarkimi suliassiisutigineqarsinnaavoq, imaluunniit malersorneqarnissaa tassunga innersuussutigineqarluni.

Kapitali 17

*Atuutilerfia il.il.*

§ 46. Nalunaarut ulloq 15. november 2019-imi atuutilerpoq.

*Imm. 2.* Najoqqutassani siusinnerusukkut nassiunneqarsimasuni init isersimaffiit pillugit aalajangersakkat kingorna umiarsuarnut nalunaarummi matumani § 2-mut ilaasuni atorneqarunnaassapput.

*Imm. 3.* Maannamut aalajangersagaasimasuni sanaartorneranut piumasaqaatit umiarsuarnut pioreersunut sulii atuupput, nalunaarummi matumani allatut aalajangiisoqarsimangippat, tak. § 2, imm. 2.

*Erhvervsministeria, ulloq 11. november 2019*

MARTIN JOHN

/ Per Sønderstrup